

তারিখ 13 APR 1987
পৃষ্ঠা... ৫



উপজেলা পরিক্রম

পাথরঘাটা

পাথরঘাটা, ১২ এপ্রিল (সংবাদদাতা)।— বঙ্গোপসাগরের তীরবর্তী বরগুনা জেলার অন্তর্গত পাথরঘাটা একটি উপজেলা। পাথরঘাটার উত্তরে বামনা উপজেলা, দক্ষিণে বঙ্গোপসাগর, পূর্বে বিশাখালী নদী, পশ্চিমে বলেম্বর নদী। ১২০ বর্গমাইল এ উপজেলায় ৭টি ইউনিয়ন, ৬৫টি গ্রাম এবং লোকসংখ্যা মোট ১ লাখ ১৭ হাজার ৭শ ২ জন।

যোগাযোগ
রাজধানী ঢাকার সঙ্গে সরাসরি কোন যোগাযোগ নেই। ঢাকা-বরগুনা সরাসরি লঞ্চ যোগাযোগ থাকলেও তা পাথরঘাটা পর্যন্ত আজও সম্প্রসারিত হয়নি। কালকাঠি-পাথরঘাটা মহাসড়ক নির্মাণের দাবী এলাকাবাসীর বহুদিনের। কিন্তু আজও এর কোন অগ্রগতি হয়নি। প্রতিকূল আবহাওয়ায় বিষখালীর উদ্ভালতরঙ্গে নৌ-পথে যাতায়াত করাও ঝুঁকিপূর্ণ। দক্ষিণাঞ্চলের এ নাজুক যোগাযোগ সমস্যা দীর্ঘদিনের। এমনকি নদীবন্দর এ পাথরঘাটা উপজেলায় কোন তৈরিমান নেই।

শিক্ষা
লক্ষাধিক জনসংখ্যার পাথরঘাটা উপজেলায় রয়েছে মাত্র ১টি কলেজ, ১৩টি মাধ্যমিক বিদ্যালয়, ৩টি আপগ্রেড হাইস্কুল, ৫৯টি সরকারী প্রাথমিক বিদ্যালয়, ১২টি দাখেলী ও ৩০টি এবতেদায়ী মাদ্রাসা। শিক্ষিতের হার ২০%।

কৃষি
কৃষি উন্নয়নের জন্য কৃষকদের স্বচা ও দীর্ঘমেয়াদী যে সমস্ত কৃষি ঋণ দেয়া হয় তা প্রকৃত চাষীরা মোটা আংকের

পাসেটিস ছুড়া পাচ্ছেন না। ভৌগোলিক অবস্থানের এ নীচু দক্ষিণ অঞ্চলসমূহে সর্বাধুনিক বৈজ্ঞানিক জলসেচ কর্মসূচী ও সুইচগেটের ব্যবস্থা করা একান্ত দরকার। উপজেলায় মোট ব্রিশস্যের জমির পরিমাণ ১,৮২,৩৮৭ একর, বনাঞ্চল ৩,৮৪৮ একর, ব্যাংক ৪টি এবং খাদ্যগুদাম ১৮টি।

স্বাস্থ্য
উপজেলা সদরে শুধুমাত্র একটি সরকারী হাসপাতাল আছে। সেখানে চিকিৎসার কোন আধুনিক সরঞ্জামাদি নেই। যে পরিমাণ ওষুধ সরকারীভাবে হাসপাতালে সরবরাহ করা হয়, সেগুলোর উপরও ডাক্তার সাহেবদের সেনদৃষ্টি পড়ায় রোগীরা বঞ্চিত হচ্ছেন বিনামূল্যে ওষুধ প্রাপ্তি থেকে।

বঙ্গোপসাগরের তীরবর্তী ইওয়ায় এ অঞ্চলের পানি ঘোলা ও লবণাক্ত। প্রয়োজনীয় নলকূপের বা বিশুদ্ধ পানির সরবরাহ না থাকায় এ দূষিত পানি পান করায় পেটেরপীড়া, ডায়রিয়া প্রভৃতি রোগ অনবরত লেগেই আছে।

বিদ্যুৎ
বর্তমানে এ উপজেলায় বিদ্যুৎ লাইন সংযোগের কাজ চলছে। আশা করা যায়, অবিলম্বে উপজেলা সদর বিদ্যুতায়িত হবে। কিন্তু পল্লী বিদ্যুতায়নের কোন পরিকল্পনা এখনো নেয়া হয়নি।

অন্যান্য
মসজিদ ৩০০টি, পোস্ট অফিস ১০টি, টেলিফোন একচেঞ্জ ১টি, কমিউনিটি সেন্টার ৭টি, বাজার সংখ্যা ১৭টি, পুকুর সংখ্যা ৬০১২টি, সড়ক পাকা ৭ মাইল ও কাঁচা ৬০ মাইল।